

奉化縣志卷之

志勳職

國於天地其誰與立分職建官得人而理古今之通義也然而龔黃白杜世彌久而名彌彰紆紫拖青生則榮忽沒則已賢與否固不可以假哉奉邑地處北荒前代名宦多致失考歷遼金以來有可書紀者若而人統謂之前勳而以近今勳節附之至

國朝設官遂目爲今職果其勳猷燦著實至名歸今非必異於古所云者亦可以奮興矣聯合類序志勳職焉

奉化縣志

卷之六

勳職

一

前勳

遼

高模翰渤海人有膂力善騎射太祖奇其才天顯間唐攻太原石敬瑭遣人求救模翰力戰連敗之太宗嘗諭模翰曰朕自起兵百餘戰卿功第一雖古名將無以加乃授上將軍及石晉叛盟出師南伐模翰爲統軍副使下關南城邑數十與趙延壽議救楊覃於乾甯軍俄有光自模翰目中出縈繞旗矛燄燄如流星模翰曰此天贊之祥遂進兵殺獲甚衆累功封開國公爲汴州巡檢使遷鎮中京天祿二年加開府儀同

三司賞賚甚厚應歷初召爲中臺省右相九年遷左相卒詳見遼史

李可舉開泰初任中京留守推官治獄平允詔超遷之

韓制心幽州安次人開泰中拜上京留守太平中改中京留守嘗以不曲法不虐民不愛官自箴歲凶荒則奏免租賦發倉廩救濟若渴居貴戚而不侈躋王位而不矜卒之日部民若哀父母

耶律古雲

原作古昱

字穆喇齊有膂力工馳射開泰間討烏古德呼叛部以功詔鎮撫西北部教以種樹畜牧不數年民多富

奉化縣志

卷之六

勳職

二

實中京盜起命古雲爲巡邏使悉擒之從征渤海有破敵功累遷御史中丞授開遠軍節度使徙鎮歸德尋改天成軍卒於官年七十贈同中書門下平章事

劉晨言中京留守推官治獄明允詔超擢之

劉伸字濟時宛平人重熙中權中京副留守詔徙富民實春泰二州伸奏罷之歷崇義軍節度使政尚簡靜民用不擾致有烏鵲同巢之異尋拜參知政事遷上京留守

耶律良字錫納生於乾州讀書醫巫閭山學博通始歸重熙中補寢殿實達爾遷修起居注會獵秋山進秋游賦上嘉之

清甯中上幸鴨子河作捕魚賦寵遇稍隆遷知制誥兼知部
署司事奏請編御製詩文上亦親序良詩尋爲敦睦宮使適
重元與子尼嚕古謀亂良發其事以功遷漢人行宮都部署
咸雍初同知南院樞密使事爲特哩袞出知中京留守事未
幾卒追封遼西郡王諡忠成

馬人望字儼叔遼東人祖淵中京副留守父詮中京文思使
人望咸雍間由進士爲松山縣令時歲運澤州官炭獨役松
山人望請於中京留守蕭托歡均役他邑徙涿州新城縣吏
民畏愛擢中京度支司鹽鐵判官轉南京三司度支判官公

奉化縣志

卷之六

勳職

三

私兼裕遷警巡使京城獄訟填積檄人望剖決無一寃者會
檢括戶口未兩旬而畢同知留守蕭保先怪問故人望曰民
產若括之無遺他日必滋厚歛之弊大率十得六七足矣保
先稱善尋遷中京度文使始至府廩皆空視事半歲積粟十
五萬斛錢二十萬緡拜參知政事南院樞密使人不敢干以
私用人必公議所當與者如所薦曹勇義虞仲文皆爲名臣
請老以守司徒兼侍中致仕卒諡文獻人望有操守喜怒不
形生平未嘗附麗求進初除執政家人賀之愀然曰得勿喜
失勿憂抗之甚高擠之必酷其畏慎蓋如此事詳遼史

大公鼎渤海人幼莊愿長而好學咸雍間登進士第任瀋州觀察判官時遼東淫雨害稼大發瀕河丁壯完隄防公鼎曰邊障甫甯大興力役非利國便農之道疏罷之水亦不爲災改良鄉令省徭役務農桑建

孔子

廟學民服其化除民間羅畢害天下從革之遷大理卿多所

平反天祚卽位遷東京戶部使時盜殺留守蕭保先因而倡亂公鼎單騎往陳以禍福事遂平拜中京留守時盜賊充斥有遇公鼎於路者卽叩馬乞自新不旬日境內清肅上聞之嘉以保節功臣詳載遼史

奉化縣志

卷之六

勳職

四

論曰才難自古爲然况偏安之世哉遼臣如馬人望大公鼎亦爲有儒術而若得大臣風度者矣乃史氏僅以能吏予之其又吝於一字之褒也歟

金

宗憲左副元帥宗翰弟也年十六選入學女直字書兼通契丹漢字太宗奇之未冠從兄翰伐宋汴京破人爭趨府庫取財物宗憲獨載圖書以歸朝廷議制度禮樂多仍遼舊宗憲以爲當遠引前古因時制宜成一代之法何乃取遼人制度哉希尹由是器重之累官尚書左丞皇統五年將肆赦議覃

恩祇及女直人乃奏曰莫非王臣慶幸可有間耶遂改其文使均被焉天德初爲中京留守是時大定府仍稱中京貞元初始隸北京路進封鉅鹿郡王世宗卽位召爲太子太師拜平章政事時有司言諸路明安穆昆怙其世襲多擾民請同流官以三十月爲考下尚書省議憲乃上言曰昔太祖撫定天下誓封功臣襲明安穆昆今若改爲遷調非太祖約臣謂但當明核善惡有不職者於弟姪中更擇賢者代之上從其議進拜右丞相大定六年薨詳見金史

論曰漢興功在三傑漢王入秦蕭何獨收圖籍論者謂是

奉化縣志

卷之六

勳職

五

扼天下之要領阿蘭宗憲本名阿蘭年未及冠而識量有此其人

傑也哉卒以名相歷事四朝以恩禮終是亦天啟爾宇俾之良弼歟

移刺成本名婁其先遼橫帳人沈勇有謀畧通契丹漢字天會間隸撻蘭爲行軍明安與宋戰於楚泗之間以所部先登功最諸將從宗弼將兵廢齊國及再伐宋攻濠州每戰輒先登多所摧破再取河南以功除威州刺史用廉擢知延安尹大定二年改河中尹遷南京留守封任國公改北京留守尋卒詳金史

移刺斡里朶系出遼五院司天會三年從軍伐宋遇戰輒先登以功補尚書省令史皇統初同知昭德軍節度使以廉升孟州防禦使正隆間轉同知北京留守事會遊古河闌子山等明安契丹謀亂方發兵討之別遣斡里朶押軍南下至松山縣爲賊黨所執且欲推爲盟主要以契約斡里朶怒曰我豈從汝反者寧殺我契約不可得也賊知不可屈乃困辱之以計脫還改北京路轉運使再遷利涉軍節度使有威德智慮部民畏服

劉煥字德文中山人宋末兵起城中久困煥尚幼煮糠爲食

奉化縣志

卷之六

勳職

六

供母以醲厚而自飲其清者人咸異之稍長就學寒擁糞火讀書不怠登天德元年進士由任邳尉調中都市令不避權貴以廉遷北京警巡使捕二惡少杖於庭中戒之曰孝悌敬慎則爲君子暴戾陰賊則爲小人自今以後毋狃故習國有明罰吾不得私也由是衆皆畏服無敢犯者召爲監察御史父老數百人或卧車下或挽靴鐙曰我欲留使君期年不可得也大定中遷同知北京留守事值世宗幸上京所過州郡大發民夫治橋梁馳道以希恩賞煥所部惟平治端好而已上嘉其意遷遼東路轉運使尋卒詳循吏史傳

宗浩本名老字師孟昭祖四世孫太保兼都元帥漢國公昂之子也世宗卽位遼陽昂遣宗浩馳賀世宗見之喜命充符寶祇候尋授同知陝州防禦使事察廉能第一等升同知彰化軍節度使晉刑部尚書拜參知政事章宗卽位出爲北京留守屢有安邊克敵之功封宋國公拜左丞相伐宋之役平章政事揆病命浩兼都元帥親赴襄陽卒成和議詳金史本傳

承暉字維明好學淹貫經史大定中選充符寶祇候遞遷東京咸平路提刑副使同知上京留守事豪猾屏息遷臨海軍

奉化縣志

卷之六

勳職

七

節度使再遷北京路提刑歷知咸平臨潢府爲北京留守副留守李東陽素貴承暉自非公事不與交一言拜刑部尚書卒爲名臣貞祐三年夏死中都之難宣宗震悼贈尚書令廣平郡王諡忠肅詳史傳

耨盃温敦兀帶阿補斯水人通書史工詩世宗卽位授咸平及會甯尹爲北邊行軍都統時窩斡初定兀帶爲治尚寬簡多備禦謹斥堠邊境以甯改北京留守尋以察能吏八拜參知政事

李完字全道朔州馬邑人經童復登詞賦進士初爲澄城主

簿有遺愛遷定襄令世宗選能吏八人按行天下完其一也
明昌初爲監察御史尋升沁州刺史遷同知廣甯府治冤獄
有聲改北京臨潢路提刑副使以南京按察使卒完長於吏
治所至姦惡屏迹民皆便之詳史傳

馬百祿通州三河人大定三年詞賦進士調武清主簿爲龍
山令清白有治迹升同知北京路轉運事錄南北路刑獄所
至無冤歷遷南京路提刑使御史臺以剛直能幹聞卒諡貞
忠詳史傳

孟奎字元秀遼陽人大定間進士調黎陽主簿遷汲縣令改

奉化縣志

卷之六

勳職

八

定興令遷中都左警巡使時平章政事完顏守貞禮接士大
夫在其門者號冷巖十俊奎與其選累遷中都路都轉運使
值旱詔審錄中都路冤獄多所平反大安初除博州防禦使
凡屬縣事應赴州者不得泊於逆旅以防吏姦人咸便之遷
北京臨潢等路按察轉運使監軍完顏恩楚虛造功狀奎劾
奏免其官貞祐初卒諡莊肅詳金史

孫德淵字資深興中州人大定間進士調涑水丞遷沙河令
有盜桑者主逐之盜自以叉刺足曰秋桑倒不禁採汝何得
刺我訴之縣德淵曰逐捕而傷瘡必在後今在前乃自刺也

盜遂引服以憂去官民爲刻石祠之察廉起復北京轉運司都甸判官累遷至昭義軍節度使潞州破被執俄有拜於前者皆沙河舊民也密護德淵遂得脫貞祐二年拜工部尚書是時山東乏兵食有司請鬻恩例舉人居喪者亦許納錢就試德淵奏此大傷名教事遂寢及致仕御史許古論薦其才可大用宣宗嘉納未幾卒見史傳

烏古孫兀屯上京路人明昌七年充萬戶備邊有功除歸德軍節度副使察廉遷同知速頻路節度使再遷唐州刺史泰和六年連卻宋師詔遷同知河南府事爲右副元帥完顏匡奉化縣志

卷之六 勳職

九

右翼都統大安初遷昌武軍節度使轉上京留守三年遷元帥左都監兼北京留守貞祐元年以兵入衛中都詔將兵萬六千守定興軍敗兀屯死之

高錫字永之以父蔭補官積勞調淄州酒使課最遷萍鄉令察廉遷遼東路轉運度支判官歷北京遼東轉運副使貞祐初仕至河北東路按察轉運使元兵破城投城下死之

富察鄭留字文叔東京路威泰必喇明安人大定二十二年登進士累遷北京臨潢路按察副使改順義軍節度使西京人李安兄弟爭財府縣不能決按察司移鄭留平理數月不

問會釋奠

孔子廟乃引安兄弟與諸生敘齒列坐會酒陳說古之友悌數事安兄弟感悟誓不復爭相讓而去朔州多盜乃禁游食簡兵衛盜息獄空朝廷賜錫宴錢以褒之貞祐二年以東京留守致仕四年卒取奏藁盡焚之績詳史傳

論曰傳云君子所過者化所存者神又曰民可使由之不可使知之相傳 國朝陸稼書先生令靈壽時有兄弟爭產致訟者先生呼謂之曰汝兄弟也宜各盡其道命弟呼兄曰哥哥兄呼弟爲弟弟又促令更相叫喚不得住口如奉化縣志

是數十聲兄與弟聲淚俱下繼而大哭各謝罪去觀乎此者可以見人性本來皆善古今治術相同然則如文叔其知道也哉

附錄勳節

國朝

慶吉字篤亭瀋陽鑲藍旗漢軍人候補佐領同治二年十月帶勇赴北邊外勦賊於昌圖廳屬榆樹台未設縣治仍屬昌圖遇盜首王五接仗力竭陣亡奉

旨旌卹建祠祀之

文楷字士軒候補防禦驍騎校與慶吉同旗漢軍人同治二年並勦賊陣亡奉

旨旌卹祠祀亦如之

徐棠字蔭南順天大興人昌圖廳巡檢升梨樹城照磨同治二年隨慶吉文楷擊賊遇害奉

旨旌卹合祠祀焉

論曰邊疆巖邑無慷慨死忠義之人黯然其無色也癸亥之難慶文徐三公雖致輿尸而見危授命既爲奉邑生色卽於振興邊氓禮義之教大有裨益焉祠而祀之誰曰不

奉化縣志

卷之六 勳職

十一

宜

今職以設官先後爲次

照磨

高 涵 安徽貴池人道光元年任有
惠政邑人去思塑像鬼王廟

馬 宣

陳

劉

沈 榮 順天宛平人
道光五年任

孫日堂 江蘇吳縣人
道光八年任

張步騫 山西文水人 道光十一年任

張長泰 湖南靖州人 道光十五年與商民協洽倡率修理

各祠廟及酌定官斗秤等事 有碑文可徵人亦多稱述之

劉經常 湖南巴陵人 道光六年任

楊茂林 甘肅綏寧人 道光二十九年任 咸豐八年先後交卸復任共九年

羅覺福 咸豐初間 兩次署任

徐棠 籍見前 咸豐九年任 同治二年殉難

董源

姚利紳 江蘇吳縣人 同治四年任 十年復任

奉化縣志

卷之六

勳職

十二

胡俊德 同治五年任

張雲蕃 同治五年任 縣令 貫升任見籍

蔣壽同 江蘇元和人 同治六年任

王官彥 順天大興人 同治十三年任

夏昌齡 浙江餘姚人 光緒元年任

沈謀成 順天大興人 光緒二年任 現通化縣典史

趙良楷 直隸承德人 光緒三年任

按自道光建元

奏準分設照磨上下纔五六十一年耳博

訪遐諏共得二十有一人就中失籍者三失名與籍者二

此外尚應有姓名籍貫俱失者如張君長泰十四年間三
出通差見廟碑按奉天每年應交京倉米豆其間署任者
只存此劉君則是尚有二人也而竟已迷茫失考蓋官無
可紀之實星移物換轉瞬間曾不知爲誰何矣吁可弗警
哉

縣令

錢開震浙江仁和人前署鳳凰廳同知義州知州光緒四年
試署奉化開創縣治事宜旋奏請實授八年卸事
九年復任俸滿現升
興京撫民同知

王爲澂山東福山人試用通
判光緒八年署任

奉化縣志

卷之六 勳職

十三

張雲蕃順天大興人準補義州
知州光緒九年署任

張寅四川監生由雲南起復知
縣揀發奉天光緒十年任

論曰官非久於其任不足以資治理易所謂久道化成是
也朝秦暮楚令數易民滋擾矣况邊地且開創哉奉化設
縣甫六年牧令已四見似非所以便民者不如通變成例
寬以從容暇豫之時政觀厥成則超遷不次之爲善夫安
得有言責者獻可於 朝廷乎爲跂足以望之

師儒

劉鉦奉天府承德縣人充
翼官學漢教習光緒四年署任

趙萬泰

直隸清豐縣舉人光緒四年任助
理創修學官事宜十年俸滿

論曰宰相需用讀書人是已今之學官出身至微亦必食廩餼之士蓋猶師前人意也然則朝廷既愛其官慎其選凡與其選者顧卽以此爲稽古之榮而遂已乎

僚屬

典史任鳳林

河南鄭州人光緒四年任卸事

典史應壇

直隸臨榆人候補巡檢光緒九年署任

把總趙連城

順天寧河人光緒七年升補

外委李萬貴

奉天海城人光緒四年拔補

奉化縣志

卷之六

勳職

十四

論曰自前將軍崇文勤公 奏定新章邊關州縣與腹省異制加銜兼管旗民僚屬文有巡檢吏目典史武有捕盜把總外委等官皆統轄之所以倚其權者不爲不重矣何以昇之何以予之讀子子之詩能勿兢兢焉而深長思乎

奉化縣志卷之六終